

THOMAS, WILLIAM ('Gwilym Mai'; 1807 - 1872), bardd ac argraffydd

Enw: William Thomas
Ffugenw: Gwilym Mai
Dyddiad geni: 1807
Dyddiad marw: 1872
Rhiant: Ann Thomas
Rhiant: Thomas Thomas
Rhyw: Gwryw
Galwedigaeth: bardd ac argraffydd
Maes gweithgaredd: Eisteddfod; Barddoniaeth; Argraffu a Chyhoeddi
Awdur: David James Bowen

Mab Thomas Thomas, melinydd, Llanelli a Chaerfyrddin, a'i wraig Ann. (Bu Ann Thomas farw 10 Mai 1828 yn 60 oed, a chanodd 'Gwilym Mai' englynion marwnad iddi; gweler *Seren Gomer*, 1828, [188](#).) Dilynodd ei grefft ym Merthyr Tydfil, Llanymddyfri, a Chaerfyrddin. Yn Llanymddyfri bu'n gysodydd yn swyddfa [David Rice Rees](#) a [William Rees](#), ac yng Nghaerfyrddin gweithiodd yn swyddfa'r *Carmarthen Journal* gyda [William Evans](#) a Benjamin Jones. Yna sefydlodd ei fusnes ei hun yng Nghaerfyrddin. Yr oedd yn eisteddfodwr selog a gwobrwywyd ef yn eisteddfodau Abertawe (1846) a Chaerfyrddin (1852). Cyhoeddodd gasgliadau o'i farddoniaeth, *Meillion Mai*, 1849; *Blodau Dyffryn Tywi*, 1854, a hefyd lyfryn hyfforddi mewn cerdd dafod, *Clorian y Bardd*, 1850. Yn y rhagymadrodd i *Clorian y Bardd* dywed fod yr amser yn rhy gostus i'r beirdd fedru fforddio'r *Drych Barddonol* a gramadegau [Robert Davies](#), Nantglyn, a [Siôn Rhydderch](#). Bu'n un o Odyddion Caerfyrddin am 35 mlynedd, ac yn 1857 cyhoeddodd *Traethawd ar Odyddiaeth; ynghyd a nifer Cyfrinfaoedd Cymru*. Canodd awdl ar Odyddiaeth (*Meillion Mai*, 18). Yr oedd yn ddiacôn yng nghapel Heol Awst, Caerfyrddin.

Awdur

Yr Athro David James Bowen

Ffynonellau

Seren Gomer, 1828, [188](#), [340](#)

Yr Haul, 1872, 240

Baner ac Amserau Cymru, 22 Mai 1872

Ifano Jones, *A history of printing and printers in Wales to 1810, and of successive and related printers to 1923* (Cardiff 1925)

J. Ballinger a Ifano Jones, *Catalogue of Printed Literature in the Welsh Department, Cardiff Free Libraries* (1898)

H. Blackwell, [NLW MS 9274A: A Dictionary of Welsh Biography](#)

G. Eyre Evans, *Lampeter* (1905)

Gweithiau

William Thomas, *Yr awen lawen; sef, Casgliad o ganiadau dewisol* (Caerfyrddin 1851)

Dolenni Ychwanegol

Wikidata: [Q27972061](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

